

# «Womenomics» sgola en l'univers

## Anteriura trenadra d'astronauts è giast a l'occurrenza da rait da la BCG

Cuira, ils 23 d'avust 2019 – Ier gievgia ha gi lieu a Cuira per la setavla giada l'occurrenza «Womenomics – lavuratori per dunnas da fatschenta» da la Banca Chantunala Grischuna (BCG). L'anteriura trenadra d'astronauts Laura Winterling ha raquintà a las participantas da ses mintgadi da fatschenta e discurre da visiuns, da la cultura da sbagls e dal management da stress.

La setavla ediziun da l'occurrenza da rait «Womenomics» en l'AUDITORIUM da la BCG a Cuira è sa deditgada al tema excellenza grazia a la ralentada. En la societad da prestaziun odierna van a perder pli e pli abilitads sco pazienza e passiu. Ins n'accepta nagins sbagls e tuttina capitano els evidentamain e mintga di.

L'ospitanta Martina Müller-Kamp, manadra da l'Investment Center da la BCG e commembra designada da la direcziun, ha fatg en l'introducziun curaschi a las passa 400 dunnas da fatschenta preschentas: «Bler pli impurtant che sa dumandar co ch'ins po evitar sbagls èsi da ponderar co tractar sbagls e co sa cumportar en situaziuns difficilas.» Sbagls fetschian part dal process d'emprender ed ins als stoppia considerar sco schanza. «Pir il dun ed il temp d'autorefectar noss agir ans dat excellenza.»

L'excellenza dovra temp. E quel temp ston ins prender sapientivamain, sco che Laura Winterling di. La fisica ha scolà durant prest in decenni astronauts e cosmonauts futurs per lur missiuns sin l'ISS ed è sa fatschentada en quel rom cun l'uman e ses cumportament. «Per tscherner astronauts na tschertg'ins sapientivamain betg la perfecziun, mabain l'excellenza. Da l'excellenza fan part flexibilitad e plaina conscienza sco er ina tenuta averta vers il nunenconuschent ed in'acceptanza pli gronda da l'ester e dal nov. Quai ans permetta da crescher», uschia Winterling. Nua ch'il perfecziunista fa naufragi pervi da las atgnas mesiras, gidia l'excellenza da vegnir a frida pli spert cun midadas e da definir a moda pli speditiva novas mesiras. Winterling ha cusseglià a las participantas da «Womenomics» da betg curre sunter a la perfecziun. «Tgi che fa quai ha tema. Tema da desdir e da betg cuntanscher la prestaziun giavischada.»

### Contact per ils collavuradors da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Nadja Maurer, [nadja.maurer@gkb.ch](mailto:nadja.maurer@gkb.ch), telefon +41 81 256 88 01

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

---

### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per personas privatas, l'economia ed il maun public. La banca occupa 999 collavuraturas e collavuradors (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestral preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quòta a la bursa dapi ils 10 da settember 1985.

#### Termins

Quint annual 2019: 7 da favrer 2020

Radunanza dals participants: 25 d'avrigl 2020

---